



A Ley 13/1982, de 7 de abril, de *Integración Social de los Minusválidos* establece no seu art. 30:
“Los minusválidos, en su etapa educativa, tendrán derecho a la gratuidad de la enseñanza, en las instituciones de carácter general, en las de atención particular y en los centros especiales, de acuerdo con lo que dispone la Constitución y las Leyes que la desarrollan”.

A redacción deste precepto fai que se presenten na Universidade de Santiago de Compostela solicitudes de exención de prezos públicos por parte de alumnos minusválidos.

Sen embargo, compre sinalar que a exención de prezos de matrícula para os minusválidos no ensino universitario galego non está contemplada expresamente en ningunha norma, sen que poida bastar para levala a cabo a declaración xenérica de gratuidade do art. 30 da devandita Lei 13/1982, gratuidades que precisa desenvolvemento legal ou regulamentario para poder ter efectos. Neste sentido, o decreto da Comunidade Autónoma de Galicia que regula os prezos de matrícula non prevé a exención dos mesmos para os minusválidos.

Esta interpretación queda confirmada pola Sentencia do Tribunal Superior de Xustiza de Galicia (Sentencia de 13 de decembro de 2000), que desestimou un recurso contencioso-administrativo interposto en 1997 por unha alumna minusválida da Universidade de Vigo contra a resolución do Reitor que lle negara o reintegro da matrícula.

O Defensor del Pueblo español pronunciouse sobre este asunto no Informe correspondente ó ano 2002 (páxina 330):

“Parece que la dificultad se encontraría en determinar con claridad a quién le corresponde la asunción de los efectos de tal exención, cuestión esta respecto a la que la propia Ley 13/1982, de 7 de abril, en su artículo 66 remite al Estado y a las comunidades autónomas, al disponer que la financiación de las distintas prestaciones, subsidios, atenciones y servicios contenidos en dicha ley se efectuarían con cargo a los Presupuestos Generales del Estado y a los de las Comunidades Autónomas y Corporaciones Locales, de acuerdo con las competencias que les correspondan respectivamente, debiendo consignarse de manera específica en los presupuestos las dotaciones correspondientes.

Parece necesario, por tanto, para poder dar eficaz cobertura al Derecho de exención reconocido legalmente, que el Gobierno del Estado y los de las comunidades autónomas, en el ámbito de sus respectivas competencias, procedan a consignar anualmente en sus Presupuestos, de manera específica, las dotaciones que permitan a las universidades financiar las exenciones que legalmente les corresponde reconocer a los alumnos universitarios afectados de cierto nivel de minusculía.”

Tamén o Valedor do Pobo de Galicia, verbo da solicitude dunha alumna da USC, manifesta no ano 2004 o seguinte:

“Que pola Administración da Xunta de Galicia se proceda coa maior urxencia a desenvolver normativamente para a súa aplicación ao ensino universitario a previsión de gratuidade do ensino prevista no artigo 30 da Lei 13/1982, do 7 de abril, de Integración Social dos Minusválidos, establecendo os requisitos legais para poder acceder a ese dereito, e os mecanismos de compensación ás universidades conforme ó que prevé a Lei Orgánica de Universidade”

De xeito parello, a regulación de prezos de matrícula da Comunidade Autónoma de Galicia, a diferenza doutras Comunidades, tampouco contempla a exención para as vítimas do terrorismo. Non obstante, para este colectivo existen convocatorias de axudas ó estudio por parte do Estado Español.

En suma, a fixación dos prezos públicos dos estudos conducentes á obtención de títulos oficiais universitarios con validez en toda España é competencia da Comunidade Autónoma (art. 81.3 *b* LOU), que non regulou ata a data a exención de prezos ós minusválidos ou ás vítimas do terrorismo, polo que a USC non pode eximir destes prezos.

En consecuencia, en tanto na Comunidade Autónoma de Galicia non se regulen as exencións de prezos públicos de matrícula ós minusválidos e ás vítimas do terrorismo, e se proceda a consignar as compensacións correspondentes ós importes derivados das devanditas exencións (art. 81.3 *b* LOU), non procede nin admitir nin declarar a exención destes prezos públicos nos estudos que se imparten na USC.

Por todo o anterior, esta Secretaría Xeral fai a seguinte instrución de servizo:

1. Os alumnos con minusvalía declarada ou que teñan a consideración legal de vítimas do terrorismo deberán abonar na súa totalidade os prezos públicos por matrícula, agás que se atopen tamén en algunha das exencións recollidas no Decreto de Prezos para o curso 04-05.
2. En todo caso os alumnos que se consideren con dereito de exención poderán formular unha solicitude individualizada que será obxecto de contestación específica.
3. Non procede considerar en ningún caso ós alumnos con minusvalía ou vítimas do terrorismo como "outros bolseiros"

Santiago de Compostela, 8 de outubro de 2004



O SECRETARIO XERAL

Joaquín Rodríguez Toubes Muñiz